



UNIVERSITÄTS-
BIBLIOTHEK
PADERBORN

Universitätsbibliothek Paderborn

Historia Provinciæ Paraquariæ Societatis Jesv

Techo, Nicolas

Leodii, MDCLXXIII.

Cap. 37. De rebus apud Iapevienses factis.

urn:nbn:de:hbz:466:1-38528

Prætor Hispanos revocavit.

Sancti Xaverii oppidum apud Jaguaraitenses fundatur.

Et Regum apud Japeivienſis.

Varia nationes ad Fidem ſollicitantur.

Præſertim ab Francisco Ricardo.

CAPUT

XXXVI.

De rebus apud Japeivienſes factis.

Barbara parentatio.

Barbari in Petrum Romerum conſpirant.

Taianoi Religionis progrediantur.

Michaëlem Ampuerum ſecundo Urvaicâ ad portum Boni-aëris amandans, non tantùm amotionem præfectorum, ſed etiam nova pecuniarum ſubſidia, ad alendos per Urvaicam Socios, à Prætorè impetravit. His rebus perfectis, Provincialis per Piratinienſe Divi Nicolai oppidum iter circumſectens, ad Jaguaraitenſes profectus, novo Divi Xaverii oppido regendo Michaëlem Ampuerum, dum è portu rediret, præfecit. Deinde ad Japeivienſes descendens, perſpectâ Barbarorum & locorum conditione, oppidam jam cceptum perfici curavit, & Tribus Sanctis Regibus dicatum, Petro Romero regendum tradidit; magno planè campeſtrium Indorum emolumento: nam præterquàm quòd hætenùs, Societatis operâ, in hac reductione ſuprà quatuor capitum Guairanicæ gentis millia baptizata ſunt, Jarofii, Mbaquæ, Charuæ, Guenoæ, & alii feritate inſignes populi, hætenùs indomiti, non ſine aliquo animorum lucro, ad Fidem Chriſto dandam ſollicitati ſunt. Et dum hæc ſcribo nuſquam aliâs major ſpes afulſit earum gentium convertendarû, Francisco Ricardo Gallo-belgâ in Evangelicum illud opus intentiſſimo, & ad congregandam gentem novi oppidi fundamenta ſub nomine Divi Andreæ jaciente. His rebus confectis, Provincialis per Urvaicâ & Paranaë oppida ad Aſſumptionis urbem, & inde per immenſa ſpatia in Tucumaniam, iter reflexit, conſtatque in unica provinciz inſpectione, ante ſeparationem Chilieni regni, bis mille leucas ab ipſo fuiſſe confectas.

POST diſceſſum Provincialis Petrus Romerus ex novo Regum oppido excurrens, multos infantes, peſte graſſante, in Ethnicorum terris Saero Fonte expiavit. Charuam unum fortuito caſu animam agentem baptizavit, in cujus inferiis, ſpectante Romero & nequiquàm reluctante, conſanguinei omnes ſibi digiti nodum unum crudeli proſuſ parentatione præciderunt. Defuncti pater, dolore in rabiem actus, neſcio quem veneficum, quaſi in ſilium veneno graſſatus eſſet, pugione bis tranſodit: vulneratum & auxilium petentem Romerus contra furibundum hominem, telum jam collineantem, intrepidâ autoritate non tantùm tutatus eſt, ſed etiam præſtigiis ritè ejuratis baptiſmali, Sacramento Chriſtianæ militiæ adſtrinxit, alligatiſque vulneribus, æquè corpori ac animæ medelam fecit. Tantis damnis irritatus dæmon, ringens frendensque vicinos Japeivienſibus populos inſtigat in novorum Chriſtianorum perniciem: & jam collatis capitibus de maſtando Romero conſilia conferebant, cum unus è convocatis, qui ejus liberalitatem non ita pridem in novo oppido deguſtarat, malè ſe facturos pronunciavit, ſi in Sacerdotem advenam, profuſiſſimæ largitatis virum, aut ejus diſcipulos innocentiam profeſſos, arma ſumerent: quâ ratione dæmonis furor fruſtratus eſt. Deinde memoratur factum Taianoi adoleſcentis, qui poſtquam in Regum oppido à Provinciali veſtem acu pictam planè elegantem dono accepiffet, accidit ut Ethnici è longinquis locis Japeivienſes inviſerent, quos ut ille ad Chriſti partes pelliceret, detractam ſibi veſtem advenarum præcipuo donat, cum commendatione Societatis ſua liberaliter largientis, nec aliena præter animas appetentis, monens ut veſtem, Provincialis donum, in hujus rei fidem ad populares ſuos reportaret, ſollicitaretque ad Chriſtianam legem recipiendam. Equidem, meo judicio, nemo alius pro Chriſto planius ſe exuit: eò memorabiliore exemplo, quò in Barbaro & ferè nudo.

